

Skatterådimit najoqutassiaq

Pillugu: Realkreditimik taarsigassarsiat aqunneqarnerinut sillimatinullu aningaasaateqarfimmut akiliutit ilanngaatigineqartarnerat.

Taarsigassarsiniarfiit realkreddittit aqutsinermut sillimatinullu aningaasaateqarfimmut akiliutit naatsorsorneqartarnerini tunngaviusumik periuserineqartunik 1994-imi allanngortitsisimapput.

Akiliutit manna tikillugu taarsigassarsiarpiaat aningaasartaannit procentitut aalajangersimasutut naatsorsorneqarnerusarsimagaluarput.

1. juni 1994 aamma 1. oktober 1994 aallarnerfigalugit akiliutit akiligassat sinneruttut procentiattut aalajangersimasutut naatsorsorneqartalerput, taamaalillutik akiliutit tamatuma kingorna sullissinermut matussutissatut ingerlaavartumik akiliutitut isigineqarsinnaalerlutik, aningaarsarsianit akileraarutit pillugit Inatsisartut inatsisaanni § 17, imm. 1, nr. 3 tunngavigalugu ilanngaatigineqarsinnaasut.

Taarsigassarsiniarfiit realkreddittit naatsorsuisarnermi tunngavissanik allanngortitsinerat tunngavigalugu skatterådip taarsigassarsiniartarfinnut realkreddittinut akiliutit ilanngaatigineqartarnerat pillugu najoqutassiaq kinguliinni taaneqartoq 1. juni 1994 aamma 1. oktober 1994 aallarnerfigalugit atuutilissasoq akuerisimavaa:

1. BRF-imut taarsigassarsianut 31. maj 1994-imit kingusinnerusumi termininut akiliutinut ilanngullugit akiliutigineqartut taamaallaat ilanngaatigineqarsinnaasut.

2. Nykreddittimut aamma Realkredit Danmarkimut taarsigassarsianut 30. september 1994-imit kingusinnerusumi termininut akiliutinut ilanngullugit akiliutigineqartut taamaallaat ilanngaatigineqarsinnaasut.

Pigisaq aalaakkaasoq Kalaallit Nunaata avataani inissisimasoq qularnaveeqqusiullugu taarsigassarsiani akiliutit eqqarsaatigalugit aningaasarsianit akileraarutit pillugit Inatsisartut inatsisaanni § 13, imm. 5-imi aalajangersakkat sulii atuupput.